



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 64. Henricus Archiepiscopus Moguntinus deponitur.

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

fensu, non licuisse. At S. Bernardus op-
 posuit, Regium consensum primo datum
 sufficere, nec esse necessarium, toties
 ad Regem recurrere, quoties eligentes
 Clerici dissensissent.

Sæcul XII.

A. C. 1152.

ep. 282.

Alanus, postquam Ecclesiæ Antissio-
 dorensi annis tredecim præfuisset, illa
 relicta, consentiente Papa, Claramval-
 lem rediit, reliquum vitæ in pio otio
 transacturus.

§. LXIV.

*Henricus Archiepiscopus Moguntinus
 deponitur.*

Eugenius Papa duos in Germaniam Le-
 gatos miserat, Bernardum Presbyte-
 rum Cardinalem tituli S. Clementis, antea
 Priorem Canonorum Regularium S. Jo-
 annis in Laterano, & Gregorium Dia-
 conum Cardinalem Tituli S. Angeli, discus-
 suros causam Henrici Archiepiscopi Mo-
 guntini, qui dudum accusatus, quod
 Bona Ecclesiæ suæ dissiparet, sæpius moni-
 tus, errata non emendaverat. Legati
 Bambergæ versabantur cum Friderico
 Rege, ubi Festum Paschæ, quod hoc
 anno millesimo centesimo quinquagesimo
 tertio in diem decimam nonam Aprilis
 incidebat, celebravit. S. Bernardus vero,
 cum

Otto. I. Fris.

c. 9.

Sæcul. XII.

A. C. 1153.

pp. 302.

Serr. Lib. V.

p. 817.

cum comperisset, Archiepiscopum Moguntinum ad tribunal Legatorum vocatum fuisse, data ad eos epistola, rogavit, ut, quantum salva justitia fieri posset, extremo rigore in infelicem Præsulem non animadverterent, sed ejus simplicitati non nihil darent, qua abusi falsi fratres Archiepiscopum in ruinam impulisse dicerentur. Henricus nihilominus depositus est in Curia, quam Rex Wormatiæ in Pentecoste eodem anno convocaverat. Ipso etiam auctore in Sedem Moguntinam subrogatus est Arnoldus ejus Cancellarius, per electionem quorundam delegatorum, qui nomine Clericorum populique ad illam Curiam venerant. Præterea Legati, Rege licentiam concedente, Buchardum Episcopum Eichstadiensem, virum senectute fractum, tanquam oneri amplius ferendo imparem, deposuerunt; verum in Archiepiscopum Magdeburgensem quoque, & quosdam alios, sententiam pronunciaturos prohibuit Rex, & in Italiam dimisit. Henricus, de Sede Moguntina dejectus, in quoddam Saxonie Monasterium Ordinis Cisterciensis se recepit, ubi prima die Septembris eodem anno pia morte defunctus est.

§. LXV.